

Noticia publicada en Diario Noticias de Gipuzkoa, el martes día 18 de Febrero de 2020.

Irungo Udalak Euskararen Hilabetea antolatu du HIZKUNTZA GAZTEEN ARTEAN SUSTATZEKO HAINBAT EKIMEN OSPATUKO DIRA OTSAILAREN 26TIK MARTXOAREN 13RA ARTE

18.02.2020 | 06:20

IRUN - Irungo Udaleko Euskara Arloak haurren eta gazteen motibazioan eragiteko eta euskararen aldeko jarrera positiboa sustatzeko, Euskararen Hilabetea antolatu du otsailaren 26tik martxoaren 13ra, *Euskara, gure altxorra* lelopean. Euskararen Hilabetea, Irungo Euskara Sustatzeko Ekintza planaren barne dagoen programa da. Irungo ikastetxe eta institutuetakoa ikasleek hartzen dute parte, Haur Hezkuntzatik hasita DBHko 4. mailara arte, hau da, 3 urtetik 16 urte bitartekoek. Aurten 7.000 ikasle inguru izango dira parte-hartzaileak.

Otsailaren 26an, 27an eta 28an, Asier Kidam magoak

Aroa eta mirariak

ikuskizuna eskainiko die Haur Hezkuntzako ikasleei. Umoreak eta soinu-banda zaindu batek inguratuta, haurrek mirari txikiak bizitzeko aukera izango dute.

Martxoaren 5ean eta 6ean, Lehen Hezkuntzako 3. eta 4. mailako ikasleen txanda izango da. Txalo produkzioen eskutik

Jon Beldurgabea

Grimm anaien ipuin klasikoan oinarritutako antzezlanak ikusiko dute.

DBHKO IKASLEENTZAT

Martxoaren 11n Derrigorrezko Bigarren Hezkuntzako 1. eta 2. mailako ikasleek

Mari eta gailera fabrika

antzezlanak ikusiko dute, Eidabek eskainita. Antzerkia gaur egungo emakumeei bidea erraztu dieten andra langileei egindako omenaldia da.

Bukatzeko, martxoaren 13an Derrigorrezko Bigarren Hezkuntzako 3. eta 4. mailako ikasleek Txalo Produkzioen

Zoaz pake santuan

antzezlanak ikusiko dute. Antzezlanaren sinopsia honela dio: "Daraman bikote bizimodu aspergarriarekin amaitzeko, Andreak, zirt edo zart, Gizona pozoitzea erabaki du. Ekintza gordintze aldera, egin nahi duena aitortuko dio eta giltzapeturik dagoen etxe barruan azken orduak pasatzeko prest dago Andrea".

Irungo Udalak Euskararen Hilabetea antolatu du

Escrito por Administrator

Martes, 18 de Febrero de 2020 11:50 -

Horretaz gain, ikasleen sormena erakusteko, aurten ere Iruneroren bi ale berezi argitaratuko dira, bata Haur Hezkuntzako eta Lehen Hezkuntzako lehenengo laugarren mailetako ikasleen lanak jasoko dituenak, eta bestea Lehen Hezkuntzako 5. eta 6. mailetako eta DBHko ikasleen lanekin. Ikastetxe eta institutuetan banatuko dira, eta Euskara Arloaren webgunean ere egongo dira eskuragai. - J.G.